



39284

I

Mag. St. Dr.

P

Teol. 6079.

Opatovii Adams: Quæstio theologia de
satisfactione Christo.

Biblioteka Jagiellońska



stdr0002931

QVÆSTIO THEOLOGICA

DE SATISFACTIONE CHRISTI.

A

M. ADAMO OPATOVIO S. THEOL. Profess.

Decano S. Annæ, publicè ad disputandum
proposita.

Auspiciis & permissu

Admod. R. & Magn. D. SEBASTIANI KRVPKA,
I. V. Doct. Can. Crac. Rectoris Vniuersitatis.

ET

Admodum Rñdi D. BASILII GOLINII, S. Th.
Doctoris, Canonici Cracouiens. & in hac dispu-
tatione præsidentis.

Disputabitur in Lectorio DD. Theologorum

3. Non. Febr. Hora xv.



CRACOVIAE,

In Offic. Matth. Andreouiensis, Anno D. 1620.

*297 modam Rado Bro Simon Haluo. s. J. Professori
Cracou. s. Rado Bro. Confess. et amico Rado.*

Quæstio Theologica.

DE SATISFACTIONE CHRISTI.

AN CHRISTVS, per incarnationē conuenienter & necessario factam, pro peccatis hominū originali & actuali mortali: quæ grauitatem infinitam habuerunt, & nullius puri hominis satisfactione expiari potuerunt, ex toto rigore iustitiæ satisfecerit. necne?

CONCLUSIO I.

VNio ineffabilis diuinæ & humanę naturæ in subsistentiâ verbi facta, includit in se cōuenientiam, per quam accommodatam ipsi DEO.

Corollaria.

Primum. Non est possibile, vt idem CHRISTVS sit Deus & homo, quin aliqua vnio inter diuinam & humanam naturam intercedat.

Secundum. Ad hanc vnionem admirabilē, cū requirantur extrema, eadem quę quamuis in infinitum sint inter se distantia, nullam tamen aut impossibilitatem

39284

T. br.

sibilitatem, aut inconuenientiam coniunctionis importare confitemur.

Tertium. Myſterium incarnationis, quamuis in Deo nullam ponat commoditatem aut perfectionem, bonitati tamen Diuinæ fuit conueniens.

Quartum. Per hanc vnionem hypoftaticā, quamuis Filius Dei, in ſimilitudinem hominum factus, & habitu inuentus vt homo, nulla tamen mutatio in verbo Dei facta, ſed ſolū in naturā humanā, quæ eſt à verbo aſſumpta.

Quintum. Ex hac eadem vnione non modò in naturam humanam, ſed etiam in reliquas creaturas ſumma dignitas redundauit.

Sextum. Falſo quidam Ethnici ſunt opinati, Deū ita carni eſſe coniunctum, quaſi illius limitibus coangultatus, à prouidentiā vniuerſi impediatur.

Concluſio II.

CHRISTUM incarnari, propter reſtaurandam naturam hominis lapſi, ideo neceſſarium fuit, quia hic modus optimus & conuenientiffimus fuit.

Corollaria.

Primum. Incarnatio eſt medium neceſſarium, ad
ſalutem

salutem hominum reparandam, non simpliciter, sed
suppositâ voluntate Diuina.

Secundum. Præter hunc ineffabilem modû, om-
nipotentia Dei potuit ex suâ misericordiâ alium re-
perire, eundemque acceptare.

Tertium. Opus incarnationis, ita est necessari-
um, vt libertatem Dei, illud operâti, non excludat.

Quartum. Verbum incarnatû, quoad suam om-
nipotentiam, non acquisiuit maiorem potestatem,
reparandi hominis simpliciter, sed solû secundû
quid, quoad talem modum efficiendi, nimirum per
viam satisfactionis.

Quintû. Vt iustitiæ diuinæ ex perfectâ iustitiâ sa-
tisfieret, vnio hypostatica fuit simpliciter necessaria.

Sextum. Sancti Patres, quando Deo tribuunt hanc
necessitatem liberandi hominem, exponendi sunt
de necessitate, supposito decreto diuinæ volunta-
tis, non aliter liberandi hominem lapsum.

Conclusio III.

Peccatum originale, & actuale mortale, in
quâto est offensa DEI, & malum DEO
intentatum, habet grauitatē infinitam.

Corollaria.

Primum. Peccatum, vt est quoddam ens Physi-
cum, A 3 cum,

cum, proueniens ab actione hominis debitâ rectitudine carente, non habet grauitatem infinitam.

Secundum. Peccatum vt est malum deordinans à bono rationis, non habet malitiam simpliciter infinitam, in genere moris.

Tertium. Peccatum secundum quod habet eam malitiam, vt peccatorem auertat à bono infinito, sub eâ ratione habet grauitatem infinitam, sed non simpliciter nec intensiue, verum extrinsecè & obiectiue, id q; in genere moris.

Quartum. Peccatum actuale mortale, constituendo finem vltimum in creatura, quodammodo secundum affectum, tollit Deum, cui propter summam bonitatem conuenit, vt finis supremus omnium habeatur.

Quintum. Dato casu, quod mundus in æternū duraret, & quod propagatio ab Adam, in infinitos homines descenderet, peccatum originale extensiue esset infinitum.

Conclusio IV.

Satisfactio puri hominis, nequaquam valorem de condigno, & qui sit de rigore iustitiæ habere potest, & pro suis, & pro aliorum peccatis, etiam de absolutâ Dei potentiâ.

Corol-

Corollaria.

Primum. Valor satisfactionis ex personâ satisfaciēte, æquali personæ offensæ, sumendus est ita, vt dignitas personæ satisfaciētis redundet in valorem satisfactionis, vt ex eo satisfactio sit æqualis offensæ.

Secundum. Satisfactio de rigore iustitiæ, nō debet inniti gratiæ creditoris, sed ex proprijs & nullo alio titulo debitis, procedat necesse est.

Tertium. Per purum hominem intelligimus, qui non sit Deus, & qui siue sit in puris naturalibus, siue in gratia Dei constitutus.

Quartum. Purus homo, destitutus auxilio gratiæ Diuinæ, sed solis viribus naturæ subnixus, nec ad perfectam æqualitatem, nec ad imperfectam, pro peccato proprio siue alieno satisfacere potest.

Quintum. Satisfactio puri hominis, sed in gratiā & charitate existentis, potest de potentiā Dei absolutā ad imperfectam æqualitatem peruenire.

Conclusio V.

Christi satisfactio, & infiniti valoris fuit,
& ex toto rigore iustitiæ.

Corollaria.

Primum. Dignitas & valor actionum Christi,
non


non consistit absolute in æstimatione, quandoquidem hæc supponit rei nobilitatem, quæ æstimatur, sed fundatur essentialiter, in ipsâ personali dignitate personæ verbi Dei, cui absolute & simpliciter secundum omne genus perfectionis, infinita dignitas conuenit; cæteræ autem res dignitatem hanc accipiunt, in certo genere operum, nimirum satisfactionis & meriti, quamuis eundem gradum infinitum dignitatis cum personâ habeant.

Secundum. Dignitas propriè conuenit personæ verbi, valor verò CHRISTI operibus, & alijs rebus, quæ possunt esse materia iustitiæ; Et hæc dignitas CHRISTI personalis dat valorem operibus seipsâ per modum formæ non intrinsecæ sed extrinsecæ.

Tertium. CHRISTI satisfactio fuit condigna & infiniti valoris, non ab extrinseco, videlicet ex gratuita acceptione diuinâ, sed ab intrinseco.

Quartum. Satisfactio CHRISTI, & ex parte rei oblata, & ex parte offerentis fuit infinita & satisfactoria.

Quintum. Satisfactio, per quam CHRISTVS Deo satisfecit, pertinet ad speciem iustitiæ commutatiuæ, quæ est regula, opera satisfactionis eliciens & dirigens.



Studioſo Lectori.

*Hac mea cum Theologiſ diſſertatio, de Deo carnis
mortalitate induto, intelligo bene, quàm tibi arida, ſpi-
noſa, & recondita videatur. Sed ne vacuus, & pror-
ſus ſine fructu abeas, hanc orationem, quondam in ce-
lebritate Academicâ, de hoc ipſo beneficio habitam, &
ex acerbo funere quod tuncis curandum demandaue-
ram, reuocatam, tibi lubens trado. Vtere, vel ſaltem
præſentis tædij releuandi gratiâ, & boni conſule.*

ORATIO.

De admirando Incarnationis
Myfterio, in supplicationibus Academicis
quatuor temporum S. Lucię. Anno
M. DC. xv. habita.



St hæc vsitata, & ab ipsâ naturâ, &
dicendi legibus, vsurpata con-
suetudo, vt summi quiq; Oratores
in principio Orationis quandam &
animo perturbationem præsefe-
rant, & in dicendo tenuitatem pro-
fiteantur. Est enim hoc magnum
ac propè diuinum, in maximo cõ-
uentu circumfusæ multitudinis a-

liis tacentibus dicere: at verò longè est maius in amplissi-
mo consessu eruditissimorum Virorum, & in dicendo e-
xercitatisimorum sermonem instituere, illorumq; velle &
auribus & animis placere. Sin verò ea magnitudo rei di-
ctatione explicanda venerit, quæ & ingenii vires, & oratio-
nis copiam videtur superare, quis erit tantâ animi constan-
tiâ firmatus, cui non lingua obmutescat, torpescant manus,
mensq; debilitata metu concidat. Et horum quidem sin-
gula cum sint tanti momenti, vt etiam hi qui optimè di-
cunt, quiq; id ornatissimè se posse facere confidant, sæpe-
numero timore exanimati exalbescunt. Quid verò iam mi-
hi animi esse putatis? quomodò incertos euentus oratio-
nis vestramq; expectationem non pertimescam? cum me

A

homi-

hominem infantem, & ab orationis copiâ destitutum, omnia in hoc vno tempore circumstant, & non mediocriter perturbant. Dico enim in hac adstante frequentia nobilissima iuuentutis, quæ iuvenilem redundantiam suspicit, eamq; eloquentiam admiratur, quæ cursu magno, sonituq; verborum modo animos perfringit, modò cum quadam suauitate in sensus illabitur. Dico apud vos Viri Academici, qui mihi summos illos Principes, veteris Academiae repræsentatis, quorum studium non modò in oratione illustrandâ, sed etiam in animo instruendo plurimarum ac maximarum rerum copiâ ac varietate versabatur. Dicendum denique venit de re omnium maximâ, in quâ necesse est omnia oratorum præsidia labefactari. Quo me igitur vertam? Vnde dicendi initium capiam? quodnam illud erit tam felix, tam illustre dicendi genus? quod & verborum coloribus illuminatum, & sententiarum pondere exornatum; limatum, ac censorium aurium pariterq; animorum vestrorum iudicium adimpleat? Intellego, quæ sit huius Iuuentutis mens, quis animorum sensus, & quod illud solum orationis genus, quod suæ ætati sit accommodatum, omnibusq; pigmentis colorandæ dictionis vestitum probare consuevit. Non sum nescius, vos quoque summo iudicio viros eam copiam expectare, quæ sit perpolita, tersa, elegans, & quæ prorsus ipsas Athenas redolet. Illud quoq; optimè conicio vos desiderare, vt in eo argumento ac beneficio commemorando oratio mea versetur, cuius annuam memoriam Ecclesia recolens his diebus, solennes supplicationes per oblata sacrificia sub auroram ad aras Dei Opt. Max. persoluit. Sed cum in re præsertim diuersâ, & secum pugnantem difficile sit vno tempore tam multis satisfacere, dabis mihi veniam, Nobilissima Iuuentus, quæ studio orationis locupletandæ teneris, si relictis verborum ornamentis, simplici

plici dictione vsus fuero. De vobis verò viri Academici
persuadeo mihi, vos non optare, nec à me exigere eam
verborum concinnitatem, quæ auribus vestris blandiatur,
sed quæ tam sublimem rei dignitatem, aliquo modo asse-
quatur. De Mysterio itaq; admirando, & primis illis sæcu-
lis propè incognito dicendum venit, quod gentibus annun-
ciatum stultitia fuit, Iudaico populo scandalum præbuit.
Dicendum inquam venit de Deo, non vt, illam cælestem
aulam inhabitans, recumbit in solio beatitudinis, quod splē-
dore lucis est stratum, & Beatorum agminibus vndiquaq;
vallatum, sed qui humanâ carne tectus, in hanc infimam
mundi partem, vt nostram operaretur salutem, venit. Quod
antequam facere aggredior, ante Thronum Maiestatis eius
in genua procidamus, donumq; Spiritus S. nobis cælitus
mitti imploremus, illud Ecclesiæ Carmen, quo hoc bene-
ficium celebrat, effusus in lætitiâ animis concinentes:
Ecce Virgo concipiet &c.

Tanta est A. diuinorum beneficiorum, quæ in vniuer-
sum genus humanum sunt collata, magnitudo, vt nullius sit
tam diuinum, tamq; incredibile orationis genus, quod illa
non dicam augere, aut Oratione ornare, sed percensere nu-
merando possit. Sapientissimus Philosophorum, idemq;
Oratorum eloquentissimus Seneca, cum honorem, eamq;
dignitatem homini à Deo concessam esse arbitratur, vt hunc
non modò plurimis maximisque, & animi & corporis or-
namentis auxerit, sed etiam hunc ipsum Iudicem, arbitrum,
dominum, Regem deniq; opulentissimi orbis terrarum Re-
gni constituerit, vt omnia in eius potestate ac moderatio-
ne verterentur. Rerum verò Diuinarum Religiosissimus
scriptor Moyses, cum rerum à Deo conditarum originem
atq; etiam ordinem prosequitur, ad extremum cum ad ho-
minis incunabula, ortusq; rationem describendam peruenit.

tria hæc, quæ eius nobilitatem continent, complexus: Diuinam consultationem: loci amœnitatem: deniq; nomen, quod illi ore diuino est impositum. Quid autem admirabilius? quid ad hominum amplitudinem excogitari potuit laudabilius, quàm tres Diuinas personas, commune quoddam consilium iniuisse, non de ordine, quo corporis humani membra ex terreno principio confecta, figuram & situm inter se sortirentur, sed quam rationem seruaret in hominis animo producendo, qui molem corporis ingressus, non modò eam animaret, sed quoddam simulachrum Diuinitatis repræsenteret. Et hoc quidem instinctu mentis suæ, veteres Philosophi agnouerunt. Quidquid enim illud est, quod sentit, quod sapit, quod vult, quod viget, cæleste, diuinum, atq; inprimis æternum esse pronuntiârunt, quin imò nec ipsum Deum, vt ab hominibus intelligitur, alio modo intelligi posse negârunt, nisi quòd sit mens quædam soluta, libera, segregata ab omni concretionem mortali, omnia sentiens, omnia mouens, ipsaq; prædita motu sempiterno. Hæc autem diuina scilicet vigere, sapere, inuenire, meminisse, an non humano animo conueniunt? Meritò itaque hunc Diuinum, vel cum Euripide Deum dicere possumus. Quid verò ipsum illius domicilium, in quo primam sedem omnium rerum ac fortunarum suarum collocarat; paradisum voluptatis, appellant sacræ literæ, scilicet locus hic, ad omnem lætitiā capiendam, ipsis gratiarum ac cælestium amœnitatum manibus confectus ac elaboratus fuit: semper ibi ver pubescens, varios ex se florum odores spirabat, in cuius medio fons erumpens, in quatuor distinctus alueos, perennes exonerat aquas, totamq; eius amplitudinem irrigans fecundat. Et quemadmodum princeps virum aliquem genere, nobilitate, ac dignitate insignem hospitio accepturus, quidquid est cælati argenti, quidquid elegantioris

ex auro supellestilis, quidquid deniq; preciosæ stragulae vestis, totum palàm profert, omnesq; domus suæ partes splendide & magnificè adornat. Ita prorsus Diuina Maestas antequam hominem procreâset, qui cætera natalium splendore vinceret, cuius erat assumpturus naturam, prius paradysum tanquam triclinium omnibus diuitiarum copiis instruit, in eoq; cælestis cuiusdam, quæ in terris haberi potest, felicitatis thesauros aperit & profundit, eoq; hominem à se conditum inuitat, venienti obuiam progreditur, & apprehensum manu, vtestantur diuina eloquia, in splendidissimo ac diuitiis omnibus affluente tabernaculo constituit. Hoc verò quanti faciendum esse putatis, quod cum Deus homini potestatem permisit, imponendi nomina cæteris animantibus, ipsi verò in lucem edito, non aliquod terrenum aut cæleste, sed ipsum diuinum numen, vocis appellationem imposuit. Est hoc in more positum, institutoq; multarum gentium, vt cum Principis alicuius filius, salutaribus a quo est abluendus, nominis impositio, non cuius homini ex mediâ plebe permittitur, sed viro, qui propter summam virtutem, summamq; nobilitatem, facillè omnes antecellat. Sic homo cum primum hanc lucem aspexit, vt Diuino suffragio totius vniuersi gubernacula susceperet, authorem nominis sui, non alium meruit habere, quàm ipsum Deum. Opt. Max. cuius nutu & arbitrio omnia ab eodem producta reguntur. Magna hæc esse, & incredibilia diuini amoris in hominem argumenta, quis vnquam nisi mente captus dubitauit? At verò longè maiora sunt, fidemq; hominum superantia, quæ iam oratio commemorare gestit. Deus hic, à quo tot tantisq; beneficiis nullo nostro merito cumulati sumus, nostræ humanæ carnis fragilitatem naturæ suæ diuinæ copulauit, arctissimoq; vinculo colligauit, atq; in vnius personæ subsistentiâ vniuit: Deus inquam A. naturam

suam infinitā, diuinā misericordiā coarctauit, & vt breuius
eloquar, cum Euangelistā dico, Verbum Caro factum est:
Quid hoc admirabilius, quid vnquam excellentius, à Deo
causa hominis fieri potuit? in quo omnes amoris ac boni-
tatis suæ opes effunderet? quam cum in amplexum illius
naturæ sic exarsit, vt eandem assumptam & deuinctam
in admirabile consortium Diuinitatis admiserit. Cogi-
tate quæso, quàm res admirandas Diuina clementia in
hoc inaudito facto sit operata: Deum enim qui in sede Ma-
iestatis suæ erecta super Cherubin consedit, qui in illā æter-
nitate nullis sæculis terminandā, vitam beatissimam duxit,
quem spiritum ac mentem quandam, mortalis concretionis
expertē confitemur, qui hanc molem vniuersi, prolato im-
perii sui verbo, subitò nullā interpositā morā produxit, qui
tam immensus tamque infinitus est, vt nullis locorum inter-
uallis, nullis terminis contineri ac includi potest. Hunc igitur
tam præstantis ac eximie naturæ Deum, summa eius be-
nignitas, cōsociauit ac deuinxit homini, mortali, caduco, cu-
ius genus terra, domicilium hæc infima & abiecta mundi
pars, vitæ conditio breuis, plurimisque laboribus ac pericu-
lis vsque ad extremum spiritum implicata, corpus è terrenis
ac contrariis principiis coagmentatum, spacium temporis
ac loci incertum, inconstans, & perquam exigui momenti.
Hæc itaque tam contraria, tam infinitis modis inter se pu-
gnantia, quo tandem modo in mutuam coniunctionem, at-
que adeò in vnius personæ communionem consentire &
coalescere potuerunt? Quomodò totius sanctitatis author?
quomodò purissimum illud Numen cœleste? humanā car-
nem nefaris secleribus contaminatam, membrorum ac va-
riorum lineamentorum compositione efformatam, in inti-
ma affinitatis iura admisit? Enimuerò dubitandum non est,
si rationi ac humanæ prudentiæ auscultare voluerimus, in-
dignum

dignum prorsus, & à tam sublimi maiestate alienum videtur,
vt tam humilis, obscura, & abiecta creaturæ naturam & cō-
ditionem susceperet. Sin autem illud inexhaustum Diuinæ
munificentiae & bonitatis pelagus, considerare voluerimus,
proculdubio fatebimur, nostra hæc iudicia susceptasque de
rebus diuinis consultationes, longè esse diuersas, ab illo su-
premo diuinæ sapientiae consilio. Veteres Philolophi cū
inter se disceptarent, præclarumq; certamen rationū com-
mitterent, quibus nonnulli vnum esse mundum, quidam
verò plures ac infinitos, conuincere sunt conati. Eorū qui
multitudinem persuadebant, hoc maximum in probando
erat argumentum, bonitatem Dei infinitam, status huius to-
tius mundi, ac naturæ causam esse, desideriumque quod ex
cā manat diffundendi se ac impertiendi rebus productis esse
infinitum. Quomodo itaque possibile, atque etiam credi-
bile erit, tam immensam bonitatem vnā tantum huius mū-
di, fabricam construxisse, quæ illius desiderii magnitudini
comparata, propè nihil censenda est. Si enim præter hunc
nullum alium condidisset, non dissimile esset, quā si quis
eum, in arte pingēdi peritissimum & summum artificem, qui
vnā formicā pinxit, nuncupari veller. Quā in re præclare
illi quidem, tanquam à lumine fidei destituti, sed non satis
conuenienter de Diuina bonitate sunt locuti: sed quantò
nos præclarius, quantò conuenientius de hac ipsa bonitate
sentimus, cū ex illius flagrantissimo amore sese communi-
candi, non vnus mundi aut infinitorum constructionem, sed
humanæ carnis assumptionem, profectam esse prædicamus.
Intelligebat enim sapientissimus Deus, quod etiam si pluri-
mas, & locis inter se distinctas vniuersi moles architectatus
fuisset, quod in his exiguum sui partē, atque adeò imper-
fectum vestigium impressisset. Aliam igitur viam, qua se to-
tum effunderet, ac perfectissimè largiretur, per hypostati-
cam

eam vnionem aggressus, in quâ humanitati assumptæ ac v-
nitæ, & in eâ omni creaturæ, vniuersam naturam suam Diui-
nam concessit. Post quod beneficium præstitum, nihil iam
vltra restabat Deo effundendum, quia hic totus effusus est.
O benignissime Deus! O amor immense, quid hoc tandem
reiest? quod sic hominem adamaueris, vt te in eum totum
effundas, Deumque efficias? Agnosce ô homo, exclamat
mellifluus Bernardus, dignitatem tuam: agnosce gloriâ con-
ditionis humanæ: Conticescat iam vox sponsæ, præ deside-
rio æstuâtis amoris, plena querellarum: Osculetur me oscu-
lo oris sui. Hoc scilicet ardētissimè cupiebas, vt idem Bernar-
dus amoris tui in Canticis paranympus & interpretes expla-
nat: Sit os osculans verbum assumens, osculatum caro quæ
assumitur, osculum verò quod pariter ab osculante, & oscu-
lato conficitur persona ipsa ex vtroque compacta, media-
tor Dei & hominum, homo Christus Iesus O felix osculum,
& stupenda dignatione mirabile, in quo non os Dei impi-
mitur, sed Deus homini vnitur. Adorna thalamum tuum ô
lectissima & ex omnibus vnice dilecta Virgo filia Sion: iam
enim læta cōnubia, iam diu optatos Hymenæos aduenisse vi-
des. Hanc esse legē eorum, qui coniugii fœdere sunt sociati,
accepimus, vt omnium bonorum vsum, & hæreditatem com-
munē inter se habeant. Sic cum Diuinâ naturâ in illo sacra-
tissimo Virginei vteri thalamo, & omnibus donis Spiri-
tus sancti adornato, humanam sibi æterno connubio de-
uinxit, totū hoc quidquid erat aut Dei, aut hominis propriū,
totū in cōmune vtriusq; collatum est. Et quidem opes ac fa-
cultates hominis hæ sunt, quod sit patibilis, varios enim do-
lores ac cruciatus illum perferre necesse est: quod sit mor-
talis, post multos enim labores in hac vitâ exantlatos, mori-
endum illi. & in illas oras quas animæ post discessum inco-
lunt, abeundum. Et in horum bonorum societate Deum
sibi inti-

sibi intimè deuinctum admisit: Deus enim iam est patibilis factus, quia supplicium acerbissimæ crucis sustinuit: factus & mortalis, quia in atrocissimis doloribus diem suum obiit. Deus verò homini, qui cum eo in vnâ personam conuenit, longè veriores diuitias contulit, quas hæc illustria nomina declarant, quòd sit immortalis, quòd æternus, vt iam ipsum hominem Deum æternum, & immortalem affirmare possimus. O æquissime Deus, quàm non ex æquo hæc bonorum collatio in communem vsum est facta; tu enim in nos cælum illiusq; opulentiâ, nos verò in te terram, illiusq; infinitas miseras ac calamitates conferimus. Sed quia hoc est ius cõnubii, quod nobiscum adiisti, idcirco non grauatim hanc accipis conditionem. Est adhuc coniugalis amoris, irrupta quædam copula, animorum consensionem vinciens ac retinens, sed vinculum in hoc admirando mysterio, quàm longè arctius humanitatem Diuinæ naturæ astringit. Hæc enim vnio facta est, incredibili quadam vi attractionis, naturæ Diuinæ humanam ad se trahentis, & per eius imbecillationem ac penetrationem in humanam; facta quoque per admirabilem accessionem insitionemque humanæ naturæ, ex quo strictissimus quidam amplexus existit, qui in nulla alia re creata reperiri potest, vnde tanquam summum Dei opus exemplo carere debuit. D. Athanasius in Symbolo, similitudine ex natura hominis petita sic videtur hoc mysterium explicare: sicut anima rationalis & caro, vnus est homo,: ita Deus & homo vnus est Christus. Sed hæc ipsa comparatio, quàm sit apta, quàm conueniens, ad rem tam abstrusam & reconditam illustrandam & oculis subiiciendam, testis est Iustinus martyr: Nonnulli, inquit, vnionem eam, veluti animæ cum corpore, mente complexi, ita prodiderunt; & congruens est exemplum, tamen non ex omni parte, aliquatenus tamen. Quemadmodum nam-

que vnus est homo, & naturas inter se differentes duas in se obtinet, & per alteram quidem ratiocinatur, per alterā quidem, quod ita ratione concipit, efficit: ita filius cum vnus sit & duæ naturæ, altera diuina edit miracula, altera humilia excipit: quā enim ex parte Deus est, res admirandas operatur; quā verò ex Virgine homo, crucem, passionem, & cōsimilia, suapte voluntate naturaliter perfert. Hucusque si quis hoc exemplum recipiat, rectè se habet comparatio, at si rursum rem totam similitudini conferas, differentia apparebit. Nam homo, etiamsi duplicem in se ostendat naturam, non duæ tamen naturæ est, sed ex duabus naturis constat. Non sic in Christo, in quo etsi personæ vnitas insit, remanet tamen duplex natura, in quā vna, non est altera. Præterea hominis natura à corpore separata: diuinitas verò nunquā fuit, nec erit ab humanitate diuisa ac dissociata. Hæc itaque admiranda, & nunquam dissoluenda coniunctio, cum sit dextræ solius Dei, omnia pacta, omnia fœdera, modos denique, quibus inter se res diuersæ consociatæ esse dicuntur, longè multamque superat. Sola illa vnio trium personarum in essentiâ, sola est maior; ibi enim personæ in vno infinito esse, vt Theologi loquuntur, hic verò duæ naturæ in infinitum à se inuicem distantes copulantur, quamuis vna, scilicet humana, in alterius nimirum Diuinæ subsistentia siue hypostasi sustentetur, non tamen ea de causa est naturæ suæ basis ac sustentaculum, cum tamen verissimum sit, quod verbum illud æternum, sit homo, quod quidem omni admiratione ac stupore est dignum. Cuius quidem miraculi, non aliam causam inuestigare possumus, nisi quod verbum, nō sustentat hominem, in gradu & dignitate hominis, sed in dignitate & gradu Dei: Deus enim qui res vniuersas produxit, easdem Diuina suâ prouidentia conseruat, sustentans quālibet, & in eâ naturâ, & subsistentiâ quam ab illo accepit. Ac

vero hoc

verò hominem Iesum, in gradu & personâ Dei, siue in subsistentiâ, quæ non sit creata, sustentat. Interrogauit Assuerus Imperator, Aman seruum suum; Quid debet fieri viro, quem Rex honorare voluerit: Respondit: homo, quem Rex honorare voluerit, debet indui vestibus Regiis, debet imponi super equum, in quo sit sella Regis, & accipere Regiû diadema super caput suum, & primus de Regis principibus teneat equum eius, & per plateam ciuitatis incedens, clamet & dicat: Sic honorabitur, quemcunque Rex honorare voluerit. Et hic quidem amplissimus honos, cui potius hominum, quam ipsi Christo, propter hoc stupendû vnionis vinculum debetur: humanitas eius in equo regio sedet, quoniam in Personâ & dignitate Dei sustentatur, vestis regia, qua indutus erat, fuerunt opera à Diuinitate edita plena miraculis: quæ cum filium Dei & Rêgem gloriæ declarabant; regium diadema in capite fuit, sapientiâ diuinâ, qua calidissimos spiritus tenebrarum deuicit, impurissima Phariseorum ora clausit, gentem in admirationem traxit; nobilissimi verò ac summâ dignitate viri fuerunt, cum Prophetæ domicilia Spiritus S. Oracula, ac interpretes diuinæ voluntatis, tum verò deo deuotissime Apostolici honoris apex, Proceres Euangelicæ legis, qui per totum orbem sparsi, doctrinâ Euangelii, ipsumque Christum annunciantes, equum eius tenuerunt, scilicet personam Diuinam agnoscentes, & præ latissimâ voce alta acclamantes, toti orbi denunciabant. Hæc est vera ac summa dignitas, quâ Deus hominem honorare voluit, cum illi diuinos suos honores cōcessit. Tu quidem, ô Christe salutis humanæ restaurator, per hoc mysteriû carnis assumptæ, in altissimum dignitatis gradû humanitatē euexisti, cum eam in eo solio, quod est solius Dei, collocasti: Tibi verò quid honoris, ex hac mortalitate carnis accessit? Tenē ego dicam, qui es sapientiâ Patris, plenitudo gratiæ, thesau-

rus scientiæ Dei, non hæc ante animo perpexisse, nulla tibi
non modò ex hac affinitate carnis, ornamenta dignitatum
parari, sed præter curas, labores, inedia, variasque afflicti-
ones, quæ tanquam indiuiduæ comites, nunquam à latere
hominis discedunt, eundemque tanquam rabiosæ furia ex-
agitant: sed quod etiam te vincula, carceres, verbera, ludi-
bria, totiusque corporis vulnera, ad extremum ignominio-
sissimum & atrocissimum Crucis supplicium maneret? Tu
hæc quidem singula, per summam ignominiam & crudeli-
tatem, tibi in carne nostra euentura optimè præuidisti, eâ ta-
men salutis nostræ cautâ, declinare noluisti. Quid verò hæc
tam laboriosa salutis nostræ reparatio? tibi nê adeo necessa-
ria, an nobis fuit? Equidem Aud. Deus noster omnes nu-
meros perfectionis in se habet; ita vitam in illâ æternitate
perpetuis voluptatibus affluentem ducit, vt ad eam ex his
rebus, quas produxit, nulla accessio fieri possit. Nondum
natalis dies beatarum mentium illuxerat; nondum primi ge-
neris humani progenitores lucem hanc aspexerant, ille ta-
men per innumerabiles Miryadas sæculorum, & beatus vi-
xit, & gloriosus regnavit. Non igitur indigentiam pressus, nò
vi, aut necessitate adactus, & carnem affligere, & in susceptâ
pauperiem, labores, inedia, ignominiam, variosque tor-
mentorum cruciatus perferre voluit. Neque verò nos, vt
à crimine liberaremur, & ab æternis suppliciis, quibus man-
cipandi eramus, tantâ submissione, & tantis eius doloribus
indigebamus. Potuit enim nobis & criminis gravitatem, &
pœnæ atrocitatem, gratuito condonare, illumque priorem sta-
tum, cuiusdâ Angelicæ innocentia, amissum restituere. Cui
enim hoc tam liberali facto, cum sit omnium supremus Do-
minus iniuriâ faceret? An non illi licuit, cum ipse præser-
tim per peccatum fuerit offensus, iuri suo cedere, cuiusque
dimittere? Nonne illi liberum erat, cum sit summus & legis-
lator &

latoꝝ & iudex: audax & temerarium facinus violata legis
ignoscere? An non potuit, commissioꝝ flagitioꝝ poe-
nas ab vnoquoque hominum exigere, illisque acquiescere?
An non illi integrum erat, aliquem ex vniuersis hominibus
deligere, cui hoc munus satisfacendi pro aliis imponeret,
illudq; quamuis ex omni parte imperfectum esset, pro sua
misericordia susceperet, cum praesertim nullâ lege teneatur,
summam acerbitatem iustitiae in omnibus seruare. Licuit
profecto Deo nostro pro arbitrio suo, hoc vel illo modo,
negocium reparandae salutis nostrae expedire, in eoq; pro-
cul dubio, non mediocria bonitatis suae in nos argumenta
contestatus fuisset. Sed quo minus pro iure ac libertate a-
geret, amor infinitus, quo nos complexus est, prohibuit.
Amoris vesani flammæ, & imperium, qui intra se portant,
quas non res; quam difficiles, quam periculosas adeunt,
hoc vnum cogitant, hoc dies noctesq; agunt, vt in rei ama-
tae consecutione conquiescant. Quid vero huius amor, qui
est ipse Deus, vbi semel viscera Diuinitatis subingressus in-
caluit, Deumq; homini conciliare cepit, quid non fecit?
quid non tentauit? eo ad extremum peruenit, vt Deum in
partes hominis, & hominem in partes Dei pertraxerit, v-
nūq; o mira vis amoris, effecerit. Hoc enim amore con-
ciliante, hoc pronubo factum est, vt se Deus in hominem,
qui vnus, ex omnibus rebus creatis est praestantissimus, ef-
fundere cepit: non potuit autem magis se extra effunde-
re & communicare, quam ita influendo & inundando in
hominem, vt se eum esse faceret; nec rursus ampli-
us facere potuit, vt homo magis ad se, tanquam ad authorem re-
dideret, quam faciendo illum Deum. In qua tam inusitata, &
ante hunc diem inaudita amoris coniunctione, iam Deus
non intuetur hominem, vt creaturam, vt seruum, sed vt
propinquum, cognatum, & summo necessitudinis iure de-
uotum

uinatum: ipse quoq; homo respicit eum, non tantum vt Creatorem, vt Dominum, sed vt Parentem & Consanguineum, Diuina ad extremum, vt sua sibiq; familiaria effecta, cum sit Deus, incredibili cum voluptate animi contemplatur. O amor Diuine, quæ tibi delubra, quas aras ponemus? quos nomini tuo dies festos ac solennes indicemus? quod erit illud sacrum carmen, quod lætum Pæana, quod iuam in nos, tam immensam animi propensionem personabit? Tu enim ima summis, humana Diuinis, terrena cælestibus coniunxisti, nosq; Deo nostro, tibi inquam ipsi, qui Deus es, deuinxisti. Hunc quidem Aud. externū cultum pietatis, ac religionis nostræ in Deum, quem in sumptuosis ædificiis, illius honori dicendis declaramus, non aspernatur, sed maius est quiddam, quod pro tanto beneficio à nobis efflagitat, vt scilicet anima corpusq; nostrum, sint illi in templum erecta, illiusq; honori consecrata. Propter hanc necessitudinem, quam in hoc Diuinissimo mysterio nostræ carnis assumptæ cum Deo iniuimus, corpus hoc nostrum, corpus mortale caducum, & quod quatuor contrariorum corporum, breui interitura temperie cōtinetur gloria immortalitatis est donatum, Diuinos honores est adeptū, quia Deus in eo sedem Diuinitatis suæ collocauit. Tu verò hoc corpus, hanc carnem, hæc membra diuinæ consortia naturæ, indignis permittes tractare modis; hacq; dignitate, quæ tibi diuinitus offertur spreta, non vt Sacrarium custodies, sed impurissimarum libidinum stabulum efficies, eaq; fieri pati, quæ in domo meretriciæ solent. Literarum monumentis proditum est, illā nocte quauis luce splendidiore, illā ipsā horâ, quâ mundus nullam feliciorem vidit, quâ Saluator noster, Virginæ editus partu, in lucem prodiit, vniuersos luxuriæ deditos, tanquam eos, qui carni ad summam dignitatem euectæ contumeliam facerent, vis Diuina, inopinata

111
inopinata morte est vltia. Tu verò non timebis, non exhor-
resces, laxare frena libidini, postquam hæc ipsa caro, in re-
giâ sede Diuinitatis, cum summâ potestate consedit, si in hos
qui hoc beneficium ignorabant, tam distinctè, tam seuerè,
Diuina Iustitia animaduertit? Tecum verò quid facturam
putas, qui hæc ipsa cum intelligas, sciens tamen ac prudens
in præcipitium ruis? Nec verò blandiaris tibi, nec ideò ani-
mo in vitia propendeas, quod cum tanto tempore, in turpis-
simis lenociniis voluptatum viuas, vt nulla te dies, nulla
nox, nisi impuritati operam dantem conspexit, nihil tamen
vsq; in hanc diem quidquam aduersi tibi contigit: hæc e-
nim mora, hæc cunctatio, hic tardus progressus vindictæ,
quæ tuis flagitiis debetur, nisi resipueris, tarditatem graui-
tate pænæ compensabit: & vbi tu minimè credes, ibi te Di-
uina opprimit vltio, & æternis ignibus cremandum tradet.
Faceſſat ergo, impurissimarum voluptatum insolens Domi-
na libido, nihil sibi iuris arroget, nihil possessionis vendi-
cet in carne nostrâ, quam suis honoribus Diuinitas conse-
crauit. Adſit vitæ innocentia, adſit Caſtitas, quæ roſarum
inſtar, in medio animæ & corporis floreat, noſq; ipſos, tan-
quam interna penetralia domus Dei, odoris fragrantia re-
pleat: hæc ſit nobis præcurſor atq; cohabitator Spiritus
ſancti: hæc ſit iucundum Chriſti diuerſorium, & quamdiu
in hac regione externâ, corporeis conſtricti vinculis com-
morabimur, tam diu oculum animæ ſplendidum ad cam
vitam erigamus, in quâ glorioſæ veræq; ſunt nuptiæ, vbi
cum corpus noſtrum, in Chriſto diuinâ luce colluſtra-
tum contemplantur, lætitiâ perfuſi, ſine
ſine lætabimur.



in epistola me est vlt. Tu vero non inueneris
 recte, sicut non inueneris, postquam hoc ipse car-
 gis sed inueneris cum summa potestate con-
 qui hoc bene sciam ignorare, tam distincte
 diuina iustitia animaduertit. Teum vero quid sciam
 putare, qui hoc ipse cum intelligas, scias tamen ac pudes
 in praeiudicium. Nec vero placuit tibi, nec id an-
 no in ista propostione quod cum tanto tempore in iudic-
 iis, inueneris volupsum vixas, ut nulla te dies, nulla
 nox, nisi impuniti operam dantes conpexis, nihil tamen
 videri in hanc diem quidquam aduersi tibi conigit. Nec e-
 nim mors hoc cunctis, hic tardus progressus iudicis
 que in ista dicitur, nisi et placuit, iudicium graui-
 tate compendit, & vltimam dicitur. Iste
 hinc inueneris, & eternis iustis mandatum trahet
 te, & inueneris, & eternis iustis mandatum trahet
 o, nihil tibi in ista arce, nisi possibile est vendi-
 care nonis, quam nonis diuina con-
 etiam. Ad ista inueneris, & eternis iustis mandatum trahet
 in ista in medio animae & corporis horum nonis, tan-
 quam interna perennis domus Dei, odoris fragrantia re-
 pleat. hac si nobis percutit et ius cohabitator spiritus
 sancti, hoc inueneris Christi characterem, & quamdiu
 in hac regione exteras, corporis consueti vinculis con-
 morabitur, tam diu oculum animae splendorem ad eam
 vnam erigimus, in qua gloriare verum, iustis habuit, vbi
 cum corpus nostrum in Christo diuina inuenerit collata-
 tam contemplantur, iustis peris sine
 sine letabitur.

